

ԵՂԻՇԵՆ ԵՎ ՎԿԱՅԱԲԱՆԱԿԱՆ ԺԱՆՐԻ ԶԵՎԱՎՈՐՈՒՄԸ
ՀԱՅՈՑ ՀԻՆ ԳՐԱԿԱՆՈՒԹՅԱՆ ՄԵՋ

ՀՀ ԳԱԱ, ակադեմիկոս Վ. Ս. ՆԱԼԲԱՆԻՅԱՆ

Քրիստոնյա ժողովուրդների հին և միջին դարերի գրականության մեջ ծանրակշիռ տեղ ունեն սրբախոսական ժանրերի (վկայաբանություն և վարքադրություն) ստեղծագործությունները, որոնք ամենից առաջ կոչված էին վեհացնելու նոր կրոնը, վարդապետելու, ժողովրդի մեջ տարածելու նրա բարոյաբանական գաղափարները, քրիստոնեական հումանիզմի հունով ուղղելու ժողովրդի բարոյական դաստիարակությունը: Ընդ որում առանձնապես բացառիկ կարևորություն է ունեցել այս վերջին հանգամանքը քաղաքական ծանր կացության մեջ գտնվող, օտարի բիրտ տիրապետությանը ենթակա, հոգևոր կյանքով երկվիշկված հայ ժողովրդի բարքերի մաքրման, ամբողջությամբ վերացրած՝ հայ հասարակության բարոյական բարձր նկարագիրը կրտսելու տեսակետից: Քրիստոնեական կրոնը իր առաջադեմ գաղափարներով, բարու և ճշմարտի աներեր հավատամքով վիթխարի դեր է կատարել հայ ժողովրդի հոգևոր աշխարհի աղնվալման ու հզորացման, նրա ազգային ուրույն գիմապատկերի պահպանման առումով: Այս գործում դպրության այլ ժանրերի (ճառ, քարոզ, ջատագովություն, մեկնություն և այլն) ստեղծագործությունների շարքում առանձնապես զգալի է եղել հայ սրբախոսական ժանրերի քերթվածների բերած նպաստը:

Միաժամանակ հարկ է նշել, որ այդ ժանրերի երկերում, բացի ընդհանուր քրիստոնեական գաղափարներից, յուրատիպ արտացոլում են գտել նաև իրականության, հայ ազգային կյանքի մի շարք էական կողմեր: Միանգամայն անտարակույս է այդ ժանրերի ստեղծագործությունների արժեքը պատմագիտական-աղբյուրագիտական առումով, բայց դրա հետ մեկտեղ դրանք մեծ կարևորություն են ներկայացնում հայ հոգևոր մշակույթի ընդհանուր վերելքի և հատկապես ազգային գեղարվեստական զարգացման օրինաչափությունները համակողմանի բնութագրելու տեսակետից: Հայ իրականության մեջ այդ ժանրերի սկզբնավորումը կապված է ոսկեդարի նշանավոր քերթողների գրական ժառանգության հետ: Ինչ վերաբերում է Եղիշին, ապա պիտի անվարան ասենք, որ ըստ էության նրա ստեղծագործությամբ է վերջնականապես ձևավորվել ազգային ինքնուրույն վկայաբանության ժանրը հայ հին գրականության մեջ՝ իր որոշակի կանոններով ու ժանրային բնորոշ յուրահատկություններով:

Անդրադառնալով վարդանանց պատերազմի բնույթի հարցին, Մ. Աբեղյանը միանգամայն իրավացի այն հետևությանն է հանգել, որ այդ պատերազմի ժամանակ «առաջ է գալիս կրոնական գաղափարախոսության տակ մասսաների միացում, պարսից տերության դեմ մասսայական կռիվ, որ սխալ կերպով կոչել են «կրոնական պատերազմ»: Դա զուտ կրոնական չէ, այլ մի եկեղեցադաբական զինյալ պայքար պարսիկների դեմ: Եղիշեն շատ ճիշտ կերպով բնորոշել է այդ՝ անվանելով «Հայոց պատերազմ»¹: Աբեղ-

¹ Մ. Աբեղյան. Երկեր. հ. Գ, Երևան, 1968, էջ 332: (Ընդգծումները մերն են՝ Վ. Ն.): Գիտականն այստեղ, անկասկած, նկատի է ունեցել երկի ընթացականի՝ Դավիթ Մամիկոնյան երեքին Եղիշի հասցեագրած խոսքերը. «Ջրանն վասն որոյ պատուիրեցեր՝ արարի,

յանն այժմուհետև ընդգծում է, որ «այդ արդեն գաղափարական պայքար չէր քարոզչոթ թլամբ ու գրականության մեջ ընդգծված պարսիկների, այլ ՚հին ուղմական դիմագրության գարթոնքն էր մասամբ ի հետևանք Սահակի ու Մաշտոցի կուլտուրական պայքարի»²:

Փաստերը հաստատում են, որ քաղաքական ու կրոնական ուժգին առճակատումները սրման հետևանքով V դարի կեսերին պարսից տիրակալության դեմ բռնկված ահեղ կռվում մի ընդհանուր միասնական գաղափարի մեջ բնականորեն միավորվում, միաձուլվում են «կրոն», «հավատ» և «հայրենիք» հասկացությունները: Եղիշեի երկում, իրոք, «Հայոց աշխարհ» և «քրիստոնեական կրոն» գաղափարները միմյանց հետ այնպես են բաղճյուսված, որ անհնար է դրանք անջատել միմյանցից կամ դրանցից մեկի գոյությունը պատկերացնել անկախ մյուսից: Հակառակ պարագայում միշտ վտանգ կա պատմական եղելությունների մեկնաբանության մեջ ուղիղ ճանապարհից շեղվելու: Միանգամայն հասկանալի է, որ այս հանգամանքը թելադրում է V դարի ազատագրական պատերազմի եղելությունները մեկնաբանելիս խուսափել ավանդական հայեցակետը նույնությամբ կրկնելուց կամ դոգմատիկ դատողություններից և ավելի շրջահայաց ու սթափ մոտեցում հանդես բերել պատմական երևույթները գնահատելիս:

Այս կապակցությամբ հարկ ենք համարում մի փոքր շեղում կատարել և ասել հետևյալը: Չափազանց կարևոր է, որ որքան էլ Եղիշեն միանգամայն հիմնավորված կերպով ընդգծում է այդ պատերազմում կրոնական գործոնի դերը, այնուամենայնիվ նա կրոնի հարցը չի ֆեոիշացնում, չի ընկալում որպես մի ինքնակա հարց, ինչպես կոնկրետ փաստերով ցույց ենք տվել մեր «Վարդանանց պատերազմը և Դ. Դեմիրճյանի «Վարդանանք» մենագրության մեջ: Եղիշեն, օրինակ, վկայում է, որ Արշակունյաց հարստության վերացումից հետո «ի նախարարսն Հայոց անկանէր թագաւորութիւնս. զի թէպէտ և գանձն յարքունիս Պարսկաց երթայր, սակայն այրուծին Հայոց բովանդակ ի ձեռն նախարարացն առաջնորդէր ի պատերազմի: Վասն որոյ և աստուածապաշտութիւնն բարձրագլուխ կամակարորեամբ երևելի լինէր յաշխարհին Հայոց, ի սկզբան տէրութեանն Շապուհ արքայից արքայի մինչև յամն երկրորդ Յաղկերտի արքայից արքայի՝ որդւոյ Վռամայ, զոր եգիտ սատանայ իւր գործակից...» (Եղիշե, էջ 6):

Բացի այն, որ Եղիշեն միանգամայն ճիշտ է բնորոշում Հայաստանի հարկատու-կիսանկախ վիճակը, նրա այս վկայությունից դժվար չէ կռահել, որ ոսկեդարի նշանավոր հեղինակը, որքան էլ տոգորված լինի կրոնական մտածողությամբ (միանգամայն բնական հանգամանք իր ժամանակի համար), ինչպես երևում է վերոհիշյալ մեջբերումի ընդգծված մասից, ժամանակին հասկացել է, որ կրոնական հարցը ինքնին, քաղաքական հարցից անկախ, գոյություն չունի: Հեղինակի խոսքերից հետևում է, որ քանի դեռ Հայոց աշխարհը պահպանում էր իր ներքին անկախությունը (դեռևս հայ նախարարների ձեռքին էր գտնվում զորական ուժը), ուրեմն և քաղաքական, եթե ոչ լրիվ, գոնե կիսանկախ ազատություն ունեին հայերը, երկրում ազատորեն պաշտվում էր քրիստոնեական կրոնը, կամ պատմիչի խոսքերով ասած՝ «աստուածապաշտութիւնն բարձրագլուխ կամակարութեամբ երևելի լինէր յաշխարհին»: Այստեղից էլ բխում է տրամաբանական եզրակացությունը՝ եթե հայերի ձեռքին չլիներ զորական ուժը և եթե նրանք ամբողջությամբ կորցնեին իրենց ներքին ինքնավարությունը ևս, ապա կզրկվեին քրիստոնեական կրոնը ազատորեն պաշտելու հնարավորությունից: Ասել է

ն՝վ քաջ. վասն Հայոց պատերազմի՝ հրամայեցեր, յորում բազումք առաքինեցան քան զսակաւս» Եղիշեի Վասն Վարդանայ և Հայոց պատերազմին. Ի լոյս ածելու բաղդատութեամբ ձեռագրաց, աշխատութեամբ Ե. Տէր-Մինասեան. Երևան, 1957, էջ 3: Այսուհետև՝ Եղիշե, Եղիշեի երկից մեջբերումների էջերը նշում ենք տեքստում:

2 Մ. Աբելյան. նշվ. աշխ., էջ 322:

թե՛ Եղիշեն կրոնի հարցը չի դիտել որպես ինքնակա հարց, այլ այն կախման մեջ է դրել քաղաքականից։

Եղիշենի երկից մատնանշենք նաև հայ նախարարների կեղծ ուրացում-թյան րազմիցս ծեծված փաստը (Եղիշեն, էջ 49—50), որից պարզ երևում է, որ նախարարները ժամանակ չահելու և երկիրը ապստամբության նախապատրաստելու համար, նույնիսկ առանց երկար տատանվելու, համաձայնվում են առերես կատարել Հաղկերտի սլահանքը։ Երկրորդական հանգամանք է, թե այդ ուրացությունը կեղծ էր, թե անկեղծ, որովհետև այն առհասարակ անհերքելի հանցանք էր քրիստոնյայի համար։ Ավելորդ չէ նաև վերհիշել այս մասին Ավարայրի ճակատամարտի նախօրյակին Վարդանի արտասանած ճառի հետևյալ խոսքերը. «Մանաւանդ զի անմոռաց է ինձ, լիշկով զիմ և զոմանց ի ձեռք, ի ժամանակին՝ զի զանճոռն իշխանն խաբեցաւ պատեցաւ իրեն զմանով մի տղայ անպիտան, իրեն այն եթէ ի վերին երեսս զկամս նորա ամարընտրութեանն կատարեցաք. բայց ի ծածուկ զխորհուրդս Տէր ինքնին վկայէ մեզ, ո՛րպէս անքակ կացեալ եմք ի նմանէ» (Եղիշեն, էջ 102)³։

Այս հարկադրյալ, բայց անհրաժեշտ շեղումից հետո վերադառնանք մեզ պրագմենոզ դիալոգը հարցին, որի առթիվ ավելորդ չենք համարում վերհիշել նշանավոր բանասեր Միքայել Փորթուղայի խոսքերը. «Մինչ ժողովուրդը դարուց ի դարս Վարդանա անվամբը փառավորեց աշխարհիկ զինվորոս և զգորայլութիւն՝ որը սպարապետին մարտակից կամ վկայակից եղան, «Ղեկնդյան» կոչեց այն սրբակրոն, արի ուխտավորներն՝ որք իրենց արյամբ հաստատել ուղեյին յուրյանց քարոզած կրոնին ճշմարտությունը»⁴։

Հարցի ուղիղ մեկնաբանությունը ըստ երևութիւն անհրաժեշտություն է ծնում վերհիշել նաև Ե. Տեր-Մինասյանի՝ Եղիշենի ստեղծագործության ժանրային բնութագրերը եւ. «Բնե Եղիշենի երկը կրում է «Պատմություն» անունը,—դրել է նա,—և իրեն այդպիսին մեր ձեռագրերի պատմական ժողովածուներում դուրս է մղել Ղազար Փարպեցուն, բայց այն իսկապես առած մի սովորական պատմություն չէ, այլ վկայաբանական գունավորում ստացած մի պատմական պատմություն...»⁵։ Իր «Բան խրատու յաղագոս միանձնեայ» գրվածքում Եղիշեն անտարակույս նկատի է ունեցել հենց Վարդանանց պատերազմի անմահ հերոսներին, երբ դրել է. «Քաջ նահատակը մեր անկան ի պատերազմի. և սուրը քահանայք մեր խոգխոգեցան ի ձեռաց անօրինաց. զեղեցիկ երիտասարդոն զենան ի սպանումն, և բազում կուսանք վարեցան ի զերութիւն. զիրոյ կանայք անկան ի տառապանս աշրութեան, և բազում որք կականին պատնայէս։ Ազատ եկեղեցի անկաւ ի ծառայութիւն հեթանոսան և սուրը քահանայք նորա կոփին շարշարին յանօրէն հարկահանաց։ (Սրբոյ հօրն մերոյ Եղիշէի վարդապետի Մատենադրութիւնը. Վենետիկ, 1859, էջ 161)։

Պիտի ասել, որ դիտնականի վերը նշած «վկայաբանական պոնավորումը», հայ սրբախոսական պոնականության այդ կարեւոր շերտը, Եղիշենի ստեղծագործության մեջ այնքան է դորեզ ու բնոգծված, որ էական, անգամ որոշիչ նշանակություն ունի և իրավունք է տալիս Եղիշենին անվերապահ համարելու ազգային վկայաբանական ժանրի ձևավորողը հայոց դպրոցի մեջ։

3 V պարից վերհիշենք նաև Փարպեցու փառաբանած հերոսին՝ Վահանին, որը երկրի բաղաձայն շահի նկատի ունենալով «Երթեալ ի դուռն՝ տկարանայր ի հաւատն...» (Ղազարայ Փարպեցու Պատմութիւն Հայոց և թուրք առ Վահան Մամիկոնեան. Տիգրիս, 1904, էջ 116)։

4 Եղիշէի վարդապետի Վասն Վարդանայ և Հայոց պատերազմին և բնագրատութիւնը Միքայել Փարպեցու Փորթուղայ. Վենետիկ, 1903, էջ 16։

5 Ե. Տեր-Մինասյան. Պատմա-բանասիրական հետազոտություններ. Երևան, 1971, էջ 127 (ընդգծումը մերն է—Վ. Ն.)։ Այս մասին տե՛ս նաև Մ. Ավդալբեկյանի «Հայ գեղարվեստական արձակի սկզբնավորումը (V դար)» մենագրության (Երևան, 1971) «Եղիշենի պատմության հորինվածքի առանձնատկությունները» հատվածը և այլուր։

Ճշմարիտ է, իհարկե, որ մինչ այդ էլ հայ իրականությունը առանձին թարգմանությունների և որոշ ինքնուրույն գործերի միջոցով ծանոթ էր վկայաբանական ժանրի ստեղծագործություններին (հիշենք՝ Թադևոս առաքյալի և Սանդուխտ կույսի վկայաբանությունը, Ագաթանգեղոսի Պատմությունից՝ Հոփսիմյան կույսերի նահատակության պատմությունը, Գրիգոր Լուսավորչի վարքից նրա շարժարանքների գունեղ ու արտահայտիչ նկարագրությունները և այլն), բայց ազգային գրականության մեջ վկայաբանական ժանրի բուն ձևավորումը՝ իբրև սրբախոսական գրականության մի ավարտուն ու ինքնուրույն տեսակի՝ ժանրի կառուցվածքի իր որոշակի կանոններով, պատմագրական ու գեղագիտական սկզբունքներով, կապված է Վարդանանց պատերազմում ընկած հերոսների սխրանքն անմահացնող Եղիշեի անվան հետ։ Ավելին, երկար ու ձիգ հարյուրամյակների ընթացքում, սկսած հենց V դարից, Շուշանիկի վկայաբանությունից՝ ընդհուպ մինչև XVIII դարի վերջը, մինչև Սայաթ-Նովայի ողբերգական վախճանի ավանդախառն պատմությունը, ազգային սրբախոսական գրականության, մասնավորապես վկայաբանական ժանրի ստեղծագործությունների վրա մշտապես առկա է Եղիշեի «Վասն Վարդանայ և Հալոց պատերազմին» երկի ազդեցությունը՝ իր հայրենասիրական վիթխարի լիցքով ու հումանիստական խորքով, բովանդակության հարստությամբ, արտահայտչական միջոցների ու ձևերի բազմազանությամբ և այլն։ Կարելի է ասել, որ Եղիշեի ոսկեղենիկ մատյանից սկսած հայրենասիրության դադափարը, այլադավանների դեմ մղված ազատագրական մաքառման խիստ որոշակի միտումը հայ սրբախոսական գրականության, ի մասնավոր՝ վկայաբանական ժանրի երկերի բնորոշ հատկանիշն է, նրա ազգային կարևոր առանձնահատկությունը⁸։

Վկայաբանական ժանրի ստեղծագործությանը բնորոշ մի շարք հատկանիշների կամ տարրերի հանդիպում ենք Եղիշեի Պատմության տարրերը դրվագներում՝ միահյուսված պատմական եղելությունների նկարագրություններին։ Սակայն ժանրի՝ դասական կանոններով գրված մի ավարտուն, ամբողջական ու բարձրարժեք քերթված է հեղինակի ստեղծագործության VII եղանակը՝ իր երկու ենթահատվածներով՝ ըստ Եղիշեի «Վասն Վարդանայ և Հալոց պատերազմին» ստեղծագործության ն. Տեր-Մինասյանի աշխատասիրությունում և իսկ տեսած գիտական հրատարակության, որի հիմքը, ինչպես հայտնի է, Անձեացյաց օրինակն է։ Երկի այս գլուխը ամբողջությամբ վերնագրված է՝ «Դարձեալ վասն նորին պատերազմին և շարժարանաց սուրբ քահանայիցն», իսկ նրա ենթահատվածները ունեն հետևյալ խորագրերը. «Դարձեալ վասն խոստովանող աշակերտաց նոցունց» և «Անուանք նախաբարադն, որք կամօք յօժարութեամբ վասն սիրուն Քրիստոսի ետուն զանձինս ի կապանս արքունի»։ Երբ նկատի ենք ունենում ողջ եղանակին տրված ընդհանուր խորագիրը, թվում է, թե հեղինակը պիտի շարունակեր իր խոսքը «նորին պատերազմին» ռազմի եղելությունների մասին, բայց նա միանգամից անցնում է պարսից ձեռքով բանտարկված ու Ապար աշխարհի ավազուտներն աքսորվածների ողբերգական վիճակի ու նրանց նահատակության նկարագրությանը՝ պարզելով իր որոշակի մտահղացումը, որով հավատի սուրբ ուխտին ամուր կանգնած կրոնավոր ու աշխարհիկ հերոսների հոգևոր կոիվը նա ընկալում ու մեկնաբանում է որպես նույն Ավարայրի հերոսամարտի բնականոն շարունակությունը, սակայն այս անգամ հավատի, հայրենիքի ու ազատության համար հեռավոր երկրի անապատները քշված այրերը միայն մեկ, բայց չափազանց հզոր զենք ունեն՝ պատկառազդու հոգևոր զենքն է դա, որով նրանք բացառիկ ուժով ու տոկունությամբ դիմագրավում են այլադավան թշնամու անագորույն հալածանքներին ու իրենց զեղեցիկ, հերոսական կյանքի վախճանն են գտնում որպես վկա, խոստովանող, նահատակ։ Իր

⁸ Այս մասին տե՛ս նաև՝ Ք. Տեր-Դավթյան. XI—XV դարերի հայ վարձագրություններ. Երևան, 1980, էջ 30—31.

անօրինակ սխրանքով վկան, նահատակը, խոստովանողը, լինի դա հոգևորական, թե աշխարհական, հումանիստ հեղինակի համար բարոյական նույն առաքինի մարդկային բարձր արժեքն է, ինչ որ դաժի դաշտում հանուն հայրենիքի, աղատության ու սուրբ հավատի սրով ու վահանով մարտնչող, մահն արհամարհող, գիտակցված մահը անմահություն համարող հայ քաղաքի, գործարար ու գորականը, Երկու դեպքում էլ մեր առջև հանում է հանուն մեծ նպատակի իր սխրանքով անմահացած, ղեկի հավերժությունը գնացող նահատակի, վկայի պայծառ կերպարը։ Այս հանդամանքը ասես ավելի պարզում է հեղինակի՝ իր երկի ընծայականում արտահայտած մի միտքը. իր ստեղծագործության նպատակը բնութագրելիս Եղիշեն ավելացնում է. «Եւ ահա ո՛րք կամենայի՝ ընդունի իրոքն ղնահատակ առաքինի։ Եւ Բանգի բազմադիմի Լ ճահատակութեանց անուն, և ճա բազմադիմի շնորհս բայիս է ամենեցուն. զոր և մեծ խել քան ղամենայն՝ սէր սուրբ յանենեց մտաց ղիտեմք» (Եղիշեն, էջ 5)։

Եղիշենի մատյանի վկայաբանական ընդհանուր միտվածքի էությունն, ըստ ամենայնի բացահայտելու համար ավելորդ չի լինի վերհիշել նրա երկի տարրերի մասերից որոշ հատվածներ, որոնք ընդելուզված են պատմական եղևությունների ընդհանուր շարադրանքին։ Նախ և առաջ վերհիշենք պարսից հաղարապետ Միհրներսեսի էդիկտին Արտաշատի ժողովի մերժողական կրտուրով պատասխանի մի բանի տողը, ուր լավաղույնս արտահայտված է իրենց հավատն ու աղատությունը սեփական կյանքի գնով պաշտպանելու հայերի արտասովոր վճռականությունը. «Յալսմ հաւատոց զմեզ ոչ ոք կարէ խախտել, ոչ հրեշտակի և ոչ մարդիկ, ոչ սուր և ոչ հուր, ոչ ջուր, ոչ ամենայն զինչ և են ղառն հաւուածի»։

Ամենայն ինչը և ստացուածք մեր ի ձեռս քո, և մարմինը մեր առաջի քո կան. ըստ կամաց քող արա ղինչ և կամիս... Ի քէն տանջանք և ի մէնջ յանձնառութիւնք. սուր քո՝ և պարանոցք մեր» (Եղիշեն, էջ 40)։ Բյուզանդական Թեոդոս կայսերը հղած նամակում հայերը նույն հատու տոնով են հաստատում իրենց վճիռը. «Ընտրեցաւ զմահն աստուածապաշտութեամբ Բան զկեանս սպառնալիս» (Եղիշեն, էջ 72)։ Հապա որքան զորեղ շեշտ կա Ավարայրի նախօրյակին սպարապետ Վարդանի և Ղևոնդ երեցի՝ հայոց զորքին ուղղված զինում-ճառերի մեջ. «Մի՛ երկուցեալ ղանդիտեսցուք ի բազմութենէ հեթանոսացի, — ասում է հայոց զորքի սպարապետը, — և մի՛ յահագին սրով առն մահկանացուի զթիկունս ղարձուցուք. ղի Լթէ տացէ Տէր յաղթունն ի ձեռս մեր, սատակեսցուք զգործութիւն նոցա, ղի բարձրասցի կողմ ճշմարտութեան. և Լթէ հասեալ իցէ ժամանակ կենաց մերոց սուրբ մահուամբ պատերազմիս, ընկալցուք ինդութեամբ սրտիւ. բայց միայն յարութիւնս քաջութեան վատութիւն մի՛ խառնեսցուք» (Եղիշեն, էջ 101—102)։ Որպես մի խրոխտ ու արտակարգ մարտակոչ են հնչում նույնպես Ղևոնդ երեցի խոսքերը. «Ձայս գիտելով, եղրարք, մի՛ թուլութեամբ լքանիցիմք, ալ պրնդութեամբ սրտիւ և հաստատուն հաւատով կամակաւ յաւանկեսցուք ի վերայ յշնամեան, որ յարուցեալ ղան ի վերայ մեր։ Մեր յոյսն մեզ կրկին երևի, Լթէ մեռանիմք՝ կեամք, և Լթէ մեռուցանեմք՝ մեզ նոյն կեանք առաջի կան» (Եղիշեն, էջ 109—110)։

Եվ այսպես, Եղիշենի երկասիրության մեջ փաստորեն գուզադրարար, կարելի է ասել գիրկընդխառն հանդես են գալիս նահատակության դադափարը՝ իր կրոնական հայտնի իմաստով, և այլադասիան զորեղ թշնամու զեմ հանուն հավատի, հայրենիքի, աղատության կուլելու ուղիով բազմաթիվ կոչերը, ղենքով անձնվիրաբար մարտնչելու և հաղթելու անթիքելի վճռականությունը։ Նույն վեհ նպատակին էին ծառայում երկու միջոցները ևս (Երեմի տեղին է կրկին վերհիշել պատմիչի խոսքերը՝ «...բազմադիմի է նահատակութեանց անուն...»), հանդամանք, որն իր յուրահատուկ կնիքն է դրել ինչպես պատմական եղևությունները շարադրելու եղանակի, այնպես էլ նրանց մեկնարանության ու իմաստավորման վրա։

Հարկ է նկատի ունենալ նաև հետևյալ կարևոր հանգամանքը: V դարի կեսերին, ազգային ազատագրական մեծ մաքառումի ամենածանր պահին, երբ օրհասական վտանգ էր սպառնում հայ ժողովրդին, երբ խաղաթղթի վրա էր դրված ազգի լինել-չլինելու ճակատագրական խնդիրը, բացառապես ամեն ինչ, անգամ դարի նշանավոր այրերի կրոնական համոզմունքները անմնացորդ ի սպաս են դրվում ազգի ինքնության պահպանման, նրա ազատության և անկախ գոյության ցերեխներին: Ժամանակի առաջագիծն ու լայնախոհ մտածողները՝ հոգևոր դասից, առաջնորդվելով դարի գլխավոր հրամայականով՝ ազգի քաղաքական շահերով, առաջ են քաշում ու անդամ բավականին անսովոր կրթով պաշտպանում են սկզբունքներ, որոնք ոչ միայն չեն համընկնում կրոնական դոգմային, չեն համատեղվում նրա հետ, այլև որոշ իմաստով ըստ էության դեմընթաց են նրան: Այս առումով շափագանց ուշագրավ է հայ ոսկեդարի խոշորագույն մտածողներից մեկի՝ աստվածաբան-փիլիսոփա Եղնիկ Կողբացու քննադատական վերաբերմունքը ֆատալիզմի նկատմամբ, որով նա ոչ միայն ժխտում է ճակատագրի մասին հին հեթանոսական պատկերացումները, այլև փաստորեն չի համակերպվում նաև «մի՛ կալ հակառակ շարին» հայտնի քրիստոնեական դոգմայի հետ (Եղնիկայ վարդապետի Կողբացույ Եղծ աղանդոց. Թիֆլիս, 1914, էջ 112—113):

Անշուշտ, դարի հայ իրականության, ազատագրական մեծ կռիվի պահանջով է ծնվել նաև Եղնիկի կարևոր դիրքորոշումը, ըստ որի «որպէս մարտուսույց որ ամենայն հնարիւք հնարեալ զիր աշակերտսն թեքել, առ ի ցուցանելոյ զհանգամանս մարտիցն, որով մարթիցնն յաղթել ախոյանից, և առաքիցէ զնոսս ի հրահանգս մրցել ընդ ախոյանսն, և յաղթութեանցն ուշ առնել խրատիցէ, մինչև զկեանս անգամ արհամարհել. զի լավ համարի թէ վասն անուան բարիոք մեռանիցին, քան թէ կենդանի կալցեն և վատանուն լինիցին» (նույն տեղում էջ 40):

Միանգամայն ակնհայտ է ոսկեդարի երկու մեծ մտածողների ու ստեղծագործողների մոտեցման ու հայացքների ընդհանրությունը: Հենց նույն զաղափարն է ընկած նաև ազգային ազատագրական կռիվը փառաբանող V դարի մեր դասական հեղինակների երկերի, մասնավորապես՝ Վարդանանց հեթանոսական սխրանքն անմահացնող Եղիշեի ստեղծագործության հիմքում:

Այլադավանի բռնակալության, նրա դաժան տիրապետության դեմ ազդի, ուրեմն և մարդու ազատության համար մղվող ճշմարտացի կռիվի արդարագրությունն ու այդ կռիվի գովերգումը մեր հին դասական հեղինակների հուսմանիստական գաղափարախոսության անկյունաքարային դրույթներից մեկն է, որ այնպիսի հետևողականությամբ ու այրող կրթով պաշտպանում են նրանք, մեկն իր փիլիսոփայական-հրապարակախոսական ուրույն հիմնավորումով, մյուսը՝ այդ արդարացի կռիվի հերոսական իրողությունների փալուռ պատկերումով, խոսքի անկոկնեյի արվեստի ուժով:

Եղիշեի երկի VII գլխին, նրա մատյանի այս ծավալուն հատվածին բնորոշ են առհասարակ վկայաբանական ժանրի դասական ուսեղծագործություններին հատուկ բոլոր էական հատկանիշները: Այն բնութագրվում է սյուժետային կառուցվածքի կուռությամբ ու նպատակասլացությամբ, ինչպես ողջ ազգի ճակատագրով, այնպես էլ մարդ-անհատի գույի նկատմամբ մեծ մտահոգությամբ, մարդկային ճակատագրերի դրամատիկ վիճակներով, իրադրությունների արտակարգ լարվածությամբ և հուզական ներքին փթխարի լիցքով, կոնֆլիկտների սրությամբ, տիտանական բնավորությամբ նահատակների զորեղ կերպարներով, ամայի վայրերում կամ թշնամու զնդարում նրանց կրած տառապանքների սարսափազդու պատկերներով, հրաշքերի ու տեսիլքների գունեղ նկարագրություններով, ճոխ ու հարուստ լեզվով, ճարտասանական փալուռ արվեստով, շարադրանքին արտակարգ դինամիզմ հաղորդող աշխույժ երկխոսություններով և այլն: Միով բանիվ, իր տեսակի մեջ դա մի բարձրարժեք, ավարտուն ու ամբողջական գեղարվեստական պատում է՝

օժտւած կրօնաբարոյախոսական հարուստ բովանդակութեամբ ամբողջովին ներծծւած քրիստոնեական հումանիզմի զաղափարներով, բոցաշունչ հայրենասիրութեամբ, Հենց այս բարձրարժէք ստեղծագործութեամբ կատարյալ ձևավորուած ստացաւ ինքնուրույն վկայութեան ժանրը ազգային դպրութեան մէջ, նաեւ այս կարեւոր հանգամանքով է որոշուած Եղիշէնի «Վասն Վարդանայ և Հայոց պատերազմին» ստեղծագործութեան տեղն ու նշանակութիւնը հայոց հին գրականութեան պատմութեան մէջ:

Քանի որ վերը խոսք եղաւ ազգի ու մարդ-անհատի նախատաքի առթիւ Եղիշէնի մտահոգութեան մասին, ապա հեղինակի քրիստոնեական հումանիզմի, պատմութեան փիլիսոփայութեան բնութագրման առումով շահագանցողաբար է նրա առաջ քաշած մի գրույթը, որը պարզորոշ ցոյց է տալիս, որ այդ մտահոգութիւնը չի սահմանափակուած սոսկ ազգային շրջանակներով, այլ կարելի է ասել, յուրատեսակ համամարդկային հնչեղութիւն է ստանում: Այս առումով շատ արժեքավոր է Եղիշէնի հետեւյալ միտքը, որը, կարծում ենք, մեկնաբանութեան կարիք չունի. «Արդ յայսմ հետէ և անդր,— գրել է հեղինակը,— ուր սպրդեալ անկանի երկպառակութիւն ի ներքս, ընդ քակել միաբանութեանն՝ և երկնաւոր առաքինութիւնն հետանալ. և անձնընտրիք լինելով՝ յոյժ բազմանայ յայումն ողորտս: Քանզի հատեալ անկեալ անդամքն, որ յառաջագոյն սորուն սուրբ մարմնոյս էին, դառնայ մարդ յաբտասուս առաջի մերձակայ դիականն. ևս առաւել յնու դառնութեամբ ի վերայ այնորիկ, որ յողի և ի մարմին առ հասարակ դիակնանայ: Եւ երբ ի վերայ միոյ անձին ալսպէս, ո՞րչափ ևս առաւել ի վերայ ողջոյն ազգի միոջ: Այլ յայսմ տեղոջ ոչ միայն ի վերայ միոյ ազգի է ողբումնս մեռ. այլ ի վերայ ազգագ և աշխարհաց...» (Եղիշէն, էջ 89—90):

Միանգամայն օրինաշափ է, որ սրբախոսական ժանրերի մարդում ես, ինչպէս այլուր, զրոնորակ է հայոց հին գրականութեան սկզբնավորման փուլի մի կարեւոր յուրահատկութիւնը, երբ թարգմանութիւններին ու նրանց տեղայնացմանը փոփոխութեան ծնվում են այդ ժանրերի առաջին ինքնուրույն ստեղծագործութիւնները, որոնք դառնում են բուն ազգային կյանքի կարեւոր միտումների արտահայտիչները և որոնք կրօնաբարոյախոսական նպատակից բացի, ժամանակին բավարարութիւն են տվել միջնադարյան մարդու զեղարկական պահանջներին ու նպաստել են նրա զեղարկատական ճաշակի մշակմանը:

Ազգային գրականութեան զարգացման ընդհանուր պրոցեսը անհրաժեշտաբար ենթադրում էր ժամանակի տարրեր գրական ժանրերի ու տեսակների փոխազդեցութիւնները: Առանձնապէս արգասաւոր են եղել պատմագրութեան, պատմական արձակի և սրբախոսական ժանրերի՝ վարքերի ու վկայարանութիւնների փոխազդարձ կապավածութիւնն ու փոխազդեցութիւնները (որի փայլուն օրինակն է Եղիշէնի գրական ժառանգութիւնը), առանց որի անհնար է պատկերացնել առհասարակ հին հայ դպրութեան վերընթաց ու արգասավոր շարժումը:

Առհասարակ հայտնի է, որ սրբախոսական գրականութեան երկերում, մասնավորապէս վկայարանական ժանրի ստեղծագործութիւններում, քրիստոնեութեան զաղափարները հիմնականում մատուցվում են, կարելի է ասել, ամենի շոշափելի, առարկայական ձևով՝ հիմնականում կոնկրետ գործողութիւնների նկարագրութեամբ, կերպարների միջոցով, թեև նրանց մէջ էլ հաճախ բավական բնդարձակ տեղ են գրավում ջատագովական բնույթի ճառերը, աստվածաշնչային հղումները, աղոթքները, սաղմոսները և այլն, որ ժամանակի գրական էտիկայի առումով միանգամայն օրինաշափ էր:

Նկատի պետք է ունենալ, որ վարքերն ու վկայարանութիւնները մեծ մասամբ հշուտվել են պատմութիւնից հայտնի զեպքերի և անձանց շուրջ, որոնց կյանքի ու գործունեութեան պատմութիւնը, նրանց հասարակական ու մարդկային ողջ կենցաղը յավագուն ներդաշնակում էր քրիստոնեութեան բարոյական իդեալին: Ահա թե ինչու սրբախոսական ժանրերի ստեղծագոր-

ծնությունների՝ ինչպես վարքերի, այնպես էլ վկայաբանությունների համար առաջնահերթ կարևորություն է ունեցել ընդօրինակման արժանի իդեալական կերպարների կերտումը: Այս հանգամանքն էլ պայմանավորել է այդ ստեղծագործություններում կերպարի կերտման գեղագիտական ուրույն սկզբունքը՝ իդեալականի գեղաբանական կերպավորումը պատմականորեն իրականի ու կոնկրետի մեջ և նրա միջոցով: Այստեղից էլ՝ միանգամայն պարզ է այն բացառիկ ուշադրությունը, որ սրբախոսական գրականության հեղինակները նվիրում են կերպարների կերտման արվեստին:

Իդեալականացման միջոցով քրիստոնյայի կատարելատիպերի ստեղծումը առհասարակ բնորոշ է սրբախոսական գրականությանը, ինչպես վարքագրական, այնպես էլ վկայաբանական ստեղծագործություններին: Այս առթիվ արժեքավոր են նշանավոր միջնադարագետ, ակադեմիկոս Դ. Ս. Լիխաչովի դիտարկումները: «Միջին դարերում,— գրել է նա,— իդեալականացումը եղել է գեղարվեստական ընդհանրացման միջոցներից մեկը: Գրողը իր ստեղծած մարդու (պետական կամ եկեղեցական գործչի, սրբի) կերպարի մեջ դրել է իր պատկերացումները այն մասին, թե ինչպիսին պիտի լինի այդ մարդը և ինչպիսին լինելու մասին իր պատկերացումները նույնացրել է գոյի հետ»⁷: Գիտնականի կարծիքով «միջնադարյան պատմականությունը պահանջում է իդեալականացում (այս բառի լայն համաստիվ) և հենց այդ իդեալականացման մեջ է արտահայտվում միջնադարյան գեղարվեստական ընդհանրացումը»⁸:

Միանգամայն բնական ու անտարակուսելի է պատմականորեն հավաստի ընդօրինակման արժանի իդեալական կերպարների ստեղծման անհրաժեշտությունը այնպիսի մի ստեղծագործության համար, որպիսին էր Եղիշեի՝ վկայաբանական շատ ուժեղ պոյնով խրատաբարոյախոսական երկը, որն իր իսկ հեղինակի խոսքով ասած, գրվել էր որպես հույս՝ հուսացողների համար, մխիթարություն՝ սիրելիների համար և քաջալերություն՝ քաջերի համար: Եվ պիտի ասել, որ իր նպատակին հասնելու համար Եղիշեն հաջողվել է մեծ վարպետությամբ կերտել Վարդանանց ու Ղևոնդյանի անմոռաց կերպարները, որոնցից ամեն մեկը մի շնչոված անհատականություն է և որոնց կենսական անհրաժեշտությունը զգաղել են ոչ միայն հեղինակի ժամանակակիցները, այլև հետագա դարերի բազմաթիվ հայկազուն սերունդներ:

Եղիշեի վկայաբանական ստեղծագործության (VII եղանակ), ավելին՝ նրա ողջ մատյանի ամենացայտուն ու գեղարվեստորեն ամբողջացված (դարձյալ իր ժամանակի գեղագիտական ըմբռնումների շահափայտներով), յուրատեսակ քարակոփ արձան հիշեցնող կերպարներից է Ղևոնդ երեցը (Եղիշեի երկում նա երբեմն անվանվում է նաև եպիսկոպոս), որը Վարդանի հետ միասին հեղինակի ամենասիրած գաղափարատիպերից է՝ իր համոզմունքների անօրինակ կայունությամբ ու իրական կյանքում դրանից պաշտպանելու շտեպնված հաստատակամությամբ, մահվան նկատմամբ տառապարհամարման հանրով, հավատին ու հայրենիքի ազատությանը ֆանատիկորեն նվիրվածությամբ, հոգեկան վիթխարի ներքին զորությամբ, անձնական խիղիարությամբ (հիշենք Անգղի դեպքերը, որտեղից սկիզբ է առնում այս փայլուն կերպարը), իր սարսափազդու միախճանով և այլն: Այս կերպարում հեղինակը խտացված ձևով ու մեծ վարպետությամբ գրել է իր փառափայտ գաղափարները, իր ողջ հավատամքը, կրոնարարության իր ամենաբարձր ըմբռնումները:

Հիրավի, տիտանական կերտվածքով իր էությունը մի անկրկնելի, ուժեղ անհատականություն է Ղևոնդը ոչ միայն Եղիշեի ստեղծագործության, այլև ողջ հայոց հին և միջին դարերի գլխավոր պատմության մեջ և միանգամայն հասկանալի է, թե ինչու Վարդանանց պատերազմի մի ամբողջ շարք նահատակների «Ղևոնդյանք» անունն է ընծայվել, որոնց սխրանքի փառա-

7 Д. С. Лихачев. Человек в литературе Древней Руси. М.—Л., 1958, с. 113:

8 նույն տեղում, էջ 121:

րանությունն անդրադարձել են նաև հետագա դարերի շատ քերթողներ՝ նրանց ու նրանց առաջնորդին նվիրելով բաղամաթիվ գեղեցիկ ներբողյալներ, շարականներ։ Մաշտոցյան դարի հոգևոր դասի իսկական խորհրդանիշն է Ղեվոնդը և այդպիսին էլ նրա կերպարը տիրականորեն մնաց սերունդների հիշողության մեջ։ Լենդամ իր եղերական մահով Ղեոնդ երեցը սարսափ է տալիս թշնամիների վրա (տե՛ս Եղիշեն, էջ 177)։

Ղեոնդ երեցի պատուհասումին նախորդում է նրա հարգաքննությունը պարսիկ պաշտոնյա Դենշապուհից, ուր նա հավատացյալի անսասան կամքով ու անօրինակ համոզվածությամբ մարդկային մեծ արժանապատվությամբ մերժում է իրեն և իր ընկերակիցներին պարտադրվող մազդեական կրոնը (տե՛ս Եղիշեն, էջ 173—174)։

Հայտնի է, որ վկայի հարցաքննությունը ալյադավան տիրակալի կամ նրա բարձրագույն պաշտոնյայի կողմից առհասարակ վկայաբանական ժանրի ստեղծագործության անհրաժեշտ տարրերից է։ Նման հարցաքննությունները, որոնք հաճախ թատերական գործողություն հիշեցնող երկխոսություններ են, ոչ միայն նպաստում են վկայի հոգեկան ներաշխարհի բացահայտմանը, նրա կերպարի վերականգնմանն ու ամբողջացմանը, այլև մարդկային ճակատագրերի դրամատիկ բախումների շուրջ ծավալված կոնֆլիկտների սրմանը, իրականության կենսական ճշմարտության ինչ-ինչ կողմերի բացահայտմանը։ Իրանը, այդ հարցաքննություն-երկխոսությունները միաժամանակ նշանակալի չափով աշխուժություն, դինամիզմ են հաղորդում երկի շարահյուսվածքին։

Եղիշեն թանձրացած պատկերներով ընթերցողի մոտ երկմտանք չի թողնում, որ հոգեկան ներքին վիթխարի ուժն է այն կենսատու ակունքը, որից անգամ մարմնով վտիտ ու առողջությամբ տկար վկան ստանում է բացառիկ ուժ ու ֆիզիկական կարողություն, որով նա դիմանում է անյուր տանջանքներին ու հաղթող դուրս գալիս իր անձն ու հողին խոշտանող ալյադավանի նկատմամբ։ Մա ես, որ առհասարակ շատ տարածված է վկայաբանական ժանրի ստեղծագործության մեջ, նպաստում է վկայի իդեալական կերպարի կերտմանը, քրիստոնեական իդեալի հաստատմանը։

Եղիշենի ստեղծագործությանը մի առանձին դրավշություն և հետաքրքրաշարժ բնույթ են հաղորդում նրանում հանդիպող հրաշքների ու տեսիլքների գունեղ նկարագրությունները, որոնք ես, ինչպես հայտնի է, սրբախոսական ժանրերի ստեղծագործությունների կառուցվածքի անկապտելի տարրերն են հանդիսանում։ Վարքի հերոսը կամ վկան ամենաֆանտաստիկ հրաշքներ է գործում ոչ միայն իր կենդանության օրոք, այլև հետմահու (այս դեպքում հրաշագործ զորությունը փոխանցվում է սրբի անկյանը մարմնին, նրա մասունքներին ու գերեզմանին)։ «Ընդարձակ, ճիշտ կազմված վարքը (պետք է ավելացնել՝ և վկայաբանությունը—Վ. Ն.),—դրել է Վ. Կ. Վլյուչևսկին,—առանց հետմահու հրաշքների խիստ հազվագյուտ բացառություն է»⁹։ Ավելորդ է ապացուցել, որ իսկապես առանց այդ հրաշքների ու տեսիլքների հազիվ թե հնարավոր լիներ կենդանի օրինակով հաստատել քրիստոնեական կրոնի զորությունը, այլ կրոնների նկատմամբ նրա անվերապահ գերազանցությունը, ինչպես նաև՝ պատկերացնել վկայի կամ սրբի անձի վեհացումը։ Առհասարակ պետք է նշել սրբախոսական հուշարձաններում հրաշքների ու տեսիլքների՝ նկարագրվող անցքերին միահյուսումի ու մատուցման դեղատարանի սկզբունքը, որով այդ հուշարձանների հեղինակները պիտի հասնեին պատմվածքի հավաստիության պատրանքի ստեղծմանը, առանց որի զմիար կիները ապահովել նկարագրած եղելությունների առարկայական կոնկրետությունը։ Սովորաբար այդ հրաշքներն ու տեսիլքները վերագրվում են ոչ թե երևակայածին մարդկանց, այլ պատմությունից հայտնի, ավելի

⁹ В. К. Ключевский. Древнерусские жития святых как исторический источник. М., 1871, с. 417.

հաճախ՝ նշանավոր անձի, ապա մատնանիշ է արվում հրաշքի կատարման կամ վկայի նահատակության կոնկրետ վայրը, ժամանակը (տարին, ամիսը, օրը, երբեմն՝ նույնիսկ ժամը), հիշատակվում են հրաշքի ականատեսները, որոնցից մեկը երբեմն ինքը՝ հեղինակն է կամ այն անձը, որից նա լսել է կատարված հրաշքի մասին: Ահա շնորհիվ այս հանգամանքների, հնարածոն միջնադարյան մարդուն պիտի ներկայանար որպես իրականում տեղի ունեցած եղելություն՝ ներազդելու նոր ուժ ու կարողություն հաղորդելով ողջ ստեղծագործությանը: Վերը նշված յուրատեսակ կանոններից որոշ շեղումներով մենք հրաշքների ու տեսիլքների հետաքրքրաշարժ ու կառուցիկ նկարագրությունների ենք հանդիպում Եղիշեի ստեղծագործության մեջ, որոնք յուրատեսակ գույն ու գրավչություն են հաղորդում նրա վկայաբանական քերթվածին: Ահա, օրինակ, բանտում «սուրբ քահանաների» սրածումից հետո Եղիշեն պատմում է հետևյալ ահազդու հրաշքը. «Եւ իբրև աւուրք երեք անցին ի վերայ, արհաւիրք մեծ անկանէին ի վերայ ամենեցուն, և իբրև թմբեալք և կիսամեռք անյարիրք անկեալ դնէին, զերիս աւուրսն: Իսկ ի շորորդում աւուրն երկուք ի պահապանացն շարաշար լլկեցան ի դիւ: Դարձեալ հասարակ գիշերաւ չափ՝ ձայնք ահեղք հնչէին, և թնդինք որոտաձայնք ի ներքուստ՝ ոչպէս զղղղումն գետնաշարժի. երկիրն զողալր ի ներքոյ նոցա, և շողիւնք սուսերաց փայլատակունս արծակէին շուրջ զնոքօք: Եւ զամենեան զդիակունսն կանգնեալ տեսանէին, և զնոյն բանս ատենին ահագինս բարբառէին ի լսելիս նոցա. մինչև խուճապել նոցա ընդ միմեանս, դեռ ևս զիրեարս սատակէին: Եւ այսպէս տազնապեալք և ցնորեալք, մինչև այր գրնկերի փախուստ չգիտէր ընդ որ երթալու: Եւ եկեալ պատմէին մեծաւ զարմացմամբ զամենայն անցս շարշարանացն, զոր կրեցին» (Եղիշե, էջ 180):

Այնքան ուժեղ ու ազդեցիկ է հավատին զինվորագրված «սուրբ քահանաների» պահվածքի ներազդելու կարողությունը, որ, ինչպես պատմվում է Եղիշեի երկում, ականատես լինելով քրիստոնեական կրոնի հրաշագործ ուժի զրսնորումներին, նրանց հալածիչն ինքն է թողնում իր կրոնի և դավանափոխ լինում, հանգամանք, որ առհասարակ մի արտակարգ էպիզոդ չէ վկայաբանական ստեղծագործության համար:

Եղիշեն իր քերթվածում հրաշալի օգտագործել է դարձյալ սրբախոսական հուշարձաններում հաճախ հանդիպող այնպիսի մի արդյունաշատ արտահայտչական միջոց, ինչպիսին է այլաբանական հակառակորդների շուրթերով քրիստոնեական հավատի գովերգումն ու այդ հավատի մարդկանց հաստատակամ պահվածքի ջատագովումը (տես Եղիշե, էջ 157, 180):

Ամփոփելով մեր խոսքն ասենք, որ վկայաբանական ստեղծագործությանը բնորոշ վերը հիշված արտահայտչամիջոցների վարպետ օգտագործումով Եղիշեն հասել է իր հետամտած նպատակին՝ հաստատելով քրիստոնեական կրոնի գերազանցությունը սլարսից հավատի՝ մաղգեհիզմի նկատմամբ, միաժամանակ կերտելով իրենց կրոնին բացառիկ նվիրված նահատակների կենդանի, ուժեղ ու անմոռաց կերպարներ:

Եղիշեն իր ստեղծագործության մեջ հետևողականորեն այն դադափարն է քարոզում, որ նահատակների հոգեկան (և ոչ միայն) անսույառ հղորթության գլխավոր ակունքը ուսումն է, կրթությունը, լուսավորությունը կամ, ինչպես ասվում է երբեմն՝ հոգևոր հալբենիքը: Սա էր մաշտոցյան դարի հայ կյանքի մեծ խորհուրդը, հավատի ու հայրենիքի անկախության համար մղվող ծանր կռիվի գլխավոր հրամայականը: Առանց հոգևոր զորության ու սլատաշած մտավոր կարողության չկա՝ և չի՝ կարող լինել «կատարյալ կյանք», այլադավան զորեղ թշնամու դեմ հաղթանակի որեէ հույս ու գրավական: Հենց այս ամուր հիմքի վրա է կառուցում հեղինակը նահատակության դադափարի իր տեսությունը: Այս առիթով հարկ կա վերստին վերհիշելու «Վասն Վարդանայ և Հայոց պատերազմին» երկի հայտնի տեղը. «Որպէս և ասաց ոմն ի հնումն, մահ ոչ իմացեալ՝ մահ է, մահ իմացեալ՝ անմահութիւն է: Որ զմահ ոչ գիտէ, երկնչի ի մահուանէ, իսկ որ գիտէ զմահ, ոչ երկնչի ի նմանէ»:

գնահատողներից մեկը՝ Յու. Վեսելովսկին. «Եղիշեի ազնվաբարո ձայնը հասել է մինչև մեր ժամանակները...», բարբարոսության, լծացումի, տառապանքների երկար դարերի միջով: Այդպես մութ, թավախիտ անտառների մեջ կորած միայնակ վանքից երեկոյան ժամերին երբեմն հասնում է զանգի մելոդիկ դողանքը... Եվ տա Աստված, որ առօրյա կյանքի փոթորիկների ու ձախորդությունների մեջ մեզանից ամեն մեկը կարողանա պահպանել այդքան հավատ ճշմարտության ու Բարու նկատմամբ, այդպիսի ազնիվ իդեալիզմ ու կարեկցանք մերձավորների տառապանքների նկատմամբ»¹⁰:

Եղիշեի վկայաբանական ստեղծագործության արժեքավորման առումով չափազանց ուշագրավ է նրա ավարտը, որ միաժամանակ փաստորեն հեղինակի ողջ ստեղծագործության՝ «Վասն Վարդանայ և Հայոց պատերազմին» ողբերգական հերոսապատումի վերջաբանն է: Մի կողմից սա թերևս Եղիշեի երկի կառուցվածքին վերաբերող խնդիր է, սակայն առավել էականը երկի այդ ավարտական հատվածի հումանիստական ոգին, բովանդակությունն ու ներքին խորհուրդն է, որով այն մեծ կարևորություն է ունեցել հետագա դարերի զգալի դպրության վրա խոր հետք թողած ոսկեդարյան պատմագրական նշանավոր հուշարձանի բուն էությունը և գաղափարական միտվածքն ըստ ամենայնի բնութագրելու առումով:

Այստեղ տեղին է հիշել Եղիշեի պոետիկայի մի կարևոր յուրահատկությունը: Նրա ստեղծագործությանը, հարկավ, առավել բնորոշ է էքսպրեսիվ ոճը, որը պայմանավորված է, անշուշտ, պատմագրելի՝ Նյութի բնութով: Սակայն դրա հետ մեկտեղ նրա ոճին հատկանշական է նաև ռուրբ քնարականությունը: Պետք է առհասարակ նկատել, որ գեղարվեստական այս երկու տարբեր ոճերի ներդաշնակ զուգակցումը վիթխարի հուզական լիցք, ներազդելու անկրկնելի զորություն է հաղորդում Եղիշեի ստեղծագործությանը: Հեղինակի քնարական ոճը իր փալլուն արտահայտությունն է զտել մասնավորապես նրա մատյանի ավարտական հատվածում, ուր քերթողը մեծ հուզականություն մար ու բացառիկ բանաստեղծական ներշնչանքով պատմում է պատերազմում ընկած կամ օտար ափեր քսորված հայոց ավազանու տիկնանց ծանր կացության մասին, որոնք շտեմնված արիությամբ ու տոկունությամբ տանում են իրենց ողբերգական վիճակի ողջ ծանրությունը: Մ. Աբեղյանի բնորոշումով դա «գորովալից քնքշությամբ ոգված մի սքանչելի հիմն է առաքինի կանանց, «փափկասուն տիկիներին» մասին», «որի նմաններն իր ժամանակի համաշխարհային գրականության մեջ անգամ թիչ կան»¹¹:

Առաջին հայացքից կարող է թվալ, թե Հայոց աշխարհի «փափկասուն տիկնանց» ներբողը այնքան էլ սերտ չի կապակցված Եղիշեի վկայաբանական ստեղծագործության ընդհանուր հենքին: Բայց դա սոսկ երևութական է: Իր մեջ խորը անթեղված յուրօրինակ լավատեսական ոգով, փրկության անմար հույսով ու հավատով ներթափանցված այս շարահյուսվածքը սրբախոսական բերթվածի հրաշալի տրամաբանական ավարտն է և, միաժամանակ, ամբողջությամբ վերցրած Վարդանանց մեծ կովի պատմության փառահեղ վերջաբանը: Եղիշեի երկի այդ հատվածը ևս պատմում է մարդկային ոգու բացառիկ անրնկճելիության, Հայոց աշխարհի կանանց բարձր առաքինությունների մասին, նրա զլխավոր միտումը ևս ազատագրական մեծ մաքրումի փառաբանությունն է՝ մեկ այլ հայեցակետով, որի հիմքը դարձյալ

¹⁰ Литературный деятель героической эпохи Егнше вардапет. См. Ю. А. Веселовский. Очерки армянской литературы, истории и культуры. Вступительная статья, составление, редакция и примечания Аллы Давтян. Ереван, 1972, с. 123.

¹¹ Մ. Աբեղյան. Երկեր. հ. 9, էջ 343, 342: Ավետիգ լենք համարում հիշել նաև, որ Յու. Վեսելովսկին Եղիշեի երկի այդ կտորը համեմատել է ռուս կանանց անձնագրությունը անմահացնող Ն. Նեկրասովի հայտնի բանաստեղծության հետ: См. Ю. А. Веселовский. Указ. соч., с. 118.

մայր ժողովրդի բարոյահոգեբանական կարողությունների ու մարտական ոգու նկատմամբ հեղինակի մեծ հավատն է, ժողովրդի անմահության գաղափարը, համբերությամբ տոկալով ու մաքառելով ապրելու, գոյատևելու անհողողող կամքը, որի առջև անդոր է ամեն մի բռնի ուժ, ամեն մի դժնի հալածանք, Երկի այդ հատվածը ինքնին ժողովրդի կենսափոխակերպությամբ ողջովին շնչող մի փայլուն խորհրդանշական քերթված է, ոսկեդարի պատմադրական նշանավոր հուշարձանին լավագույնս պատշաճող մի փայլուն ու առինքնող վերջերգ, քրիստոնեական հումանիզմի գաղափարով ողջովին ներթափանցված, մարդկային բարձր առաքինությունները վեհացնող ստեղծագործություն, որով ավարտվում է այլադավան պարսից բռնապետության դեմ ուղղված ազդային-ազատագրական մեծ մաքառման պատմությունը: Արվեստի տեսակետից ևս ՆՊԻՆԵՆԻ Երկի այդ կտորը հայոց հին գեղեցիկ գրականության լավագույն արդասիքներից է, որի մասին մեծ հիացմունքով են խոսել հայ և օտարազգի դեղադեմները¹², Երկի ավարտական մասում արվեստի յխամրոզ դույներով փառարանվում է անհամար զրկանքները մեծ համբերությամբ ու հերոսաբար տարած «հայոց աշխարհի» «փափկասուն տիկնանց» հողեկան վիթխարի ուժն ու բացառիկ կամքը: ՆՊԻՆԵՆԻ մատյանի այդ կտորը մի փառահեղ օրհներգ է մարդկային դոյի վեհության, նրա մեծությունն առաքինությունների, Հեղինակը հայոց աշխարհի կանանց վիճակի ողջ ողբերգականությունն ընդգծելու համար հիշում է կյանքի ու երջանկության ավետարների՝ դարնան պատկերը. «Բազում ձմերաց հալեցան սառնամանիք. և հաս դարուն և եկին նորեկ ծիծուներ. տեսին և խնդացին կենցաղասեր մարդիկ և նորա ոչ երբեք կարացին տեսանել զանձկային իւրեանց: Մաղիկք դարնանայինք յիշատակեցին զպսակասէր ամուսինս նոցա, և աչք իւրեանց կարօտացան տեսանել զցանկալի դեղ երեսաց նոցա... Բայ ևս սովորեցին հարցանել զեկեալ ոք ի հեռաստանէ, և թէ երբ լինիցի մեզ տեսանել զսիրելիսն մեր. այլ այն էին իդձք աղօթից նոցա առ Աստուած, և թէ որպէս սկսանն՝ քաջութեամբ ի նմին կատարեսցին լի երկնաւոր սիրովն» (ՆՊԻՆԵՆ, էջ 201—203):

Կարդալով հայոց աշխարհի տիկնանցը նվիրված անզուգական դովերգը ընթերցողը ակամա մտածում է (և, հավանաբար միշտ էլ մտածել է), որ և՛ ՆՊԻՆԵՆԻ Երկի դասին պատկանող «փափկասուն տիկնայք» են տիրում բարոյահոգեբանական այդպիսի վիթխարի զորության, անասելի զրկանքները հերոսաբար տանելու ու հաղթահարելու այդպիսի բացառիկ կամքով, հապաորքան զորեղ պետք է լինեն բարոյական այդ վեհ հատկանիշներն ու մարդկային առաքինությունները բուն իսկ ժողովրդի ընդերքում, «հողի մարդկանց» մեջ, որոնցով է միայն կանգուն ու հավերժական ամեն մի ազգ, ամեն մի երկիր:

Այն է, ահա, հայոց հին դպրության մեջ վկայարանական ինքնություն ժանրը ձևավորող ՆՊԻՆԵՆԻ փայլուն ստեղծագործության և, ամբողջությամբ վերցրած, նրա «Վասն Վարդանայ և Հայոց պատերազմին» ոսկեդեմիկ մատյանի մեծ խորհուրդը, նրա վիթխարի հմայքի զաղտնիքը, որով դարեր շարունակ ողելնչվել, նոր սխրանքների են կոչվել հայկազուն բազում սերունդներ, ողջ մի ժողովուրդ: Հայ սրբախոսական զրականության զարգացման վրա թերևս ոչ մի երկ չի ունեցել այնպիսի մեծ ազդեցություն, որքան ոսկեծղիկն ՆՊԻՆԵՆԻ անզուգական ստեղծագործությունը:

¹² Տե՛ս, օրինակ, զրականագետ Գ. Թաթոսյանի «Из архива Валерия Брюсова» հրատարակումը:—ՀՍՍՐ Գիտությունների Ակադեմիայի «Տեղեկագիր» (հաս. գիտ.), 1959, № 5, էջ 89—90:

ЕГИШЕ И ФОРМИРОВАНИЕ МАТИРОЛОГИЧЕСКОГО ЖАНРА
В ДРЕВНЕАРМЯНСКОЙ ЛИТЕРАТУРЕ*Академик НАН РА В. С. НАЛБАНДЯН*

Резюме

В древней и средневековой армянской литературе, как и в литературах других христианских народов, значительное место занимала агиография (жития и мартиро-логии), цель которой заключалась в возвышении христианской религии, в распростра-нении ее нравственных идей и идеалов, в воспитании народа в духе христианского гуманизма. Это последнее обстоятельство имело огромное значение для судеб находя-щегося под иноземным игом народа, для его нравственного очищения и создания его высокого морального духа и облика. Хотя в V в. в Армении уже были знакомы с от-дельными оригинальными и переводными произведениями мартирологического жанра (мартирологии Апостола Фаддея, Дев Рипсимеан и др.), собственно формирование жанра связано с именем классика армянской литературы V в. Егише. В статье под-вергается обстоятельному анализу VII глава его сочинения «О Вардане и войне Ар-мянской», которая является законченным и целостным творением, созданным по всем канонам мартирологического жанра. Особое внимание в статье уделяется исследова-нию поэтики этого уникального произведения, оставившего глубокий след в истории национальной литературы.